

Broj: 01-04-13-03577/2020
Sarajevo, 14.08.2020.godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
N/P- Sekretar-Izmir Hadžiavdić
veza vaš akt br. 05/2-02-172/20
od 30.07.2020.godine
N/P- zastupnici Dragana Damljanović, Goran Broćeta,
Aleksandar Šrbac

Босна и Херцеговина
Федерација Босне и Херцеговине
PARLAMENT FEDERACIJE
S A R A J E V O

Punjeno: 31 -08- 2020			
Org. jed.	B r o J	Prijava	Vrijednost
05 2	- 02 -	172	20

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE
GENERALNI SEKRETARIJAT VLADE
N/P- Sekretarka- mr. sci. Edita Kalajdžić
Veza vaš akt br. 03-04-982-2/20 od 10.08.2020.godine

PREDMET: Odgovor na izaslaničko pitanje, dostavlja se

Poštovani,

Federalna uprava za inspekcijske poslove, zaprimila je dana 4.08.2020.godine akt Parlamenta Federacije-Dom naroda, gorni broj te dana 11.08.2020.godine akt Vlade Federacije BiH, gornji broj koji predstavljaju izaslaničko pitanje koje su zajednički podnijeli delegati u Domu Naroda Parlamenta Federacije Bosne i Hercegovine, Dragana Damljanović, Goran Broćeta i Aleksandar Šrbac.

Uvaženi izaslanici obratili su se Vladi Federacije BiH, Ministarstvu okoliša i turizma Federacije BiH i Federalnoj upravi za inspekcijske poslove sa zahtjevom za dobijanje informacije, šta su navedeni organi poduzeli u vezi isporučenog otpada nepoznatog sadržaja na prostore općina Drvar i Bosansko Grahovo početkom jula mjeseca ove godine, uvezenu iz područja sa sjevera Italije.

Ovaj je otpad prouzrokovao veliku uznemirenost kod lokalnog stanovništva, a zbog činjenice, kako kažu ovi delegati, da ovaj kompletan proces prati čitav niz poznatih i potvrđenih neregularnosti, nezakonitosti, nelogičnosti, te da može eventualno izazvati i potencijalnu ekološku katastrofu u dijelu Federacije BiH, na prostoru gdje je odložen, traže informaciju šta je, svaki od pozvanih organa, učinio po ovom pitanju, iz domena svoje nadležnosti, kako bi se pomenute opštine osloboidle potencijlano opasnog otpada, a Federacija BiH sa sebe skinula etiketu regionalne deponije.

U pripremi odgovora na ovo pitanje ispred Federalne uprave za inspekcijske poslove, doprinos su dali federalni inspektor Urbanističko-ekološkog Inspektorata, o čemu vas infomišemo, kako slijedi:

Vezano za konkretno postupanje ove uprave i njenih inspektora, smatramo važnim istaći da je ova Uprava, postupajući po Zaključku Općinskog vijeća¹ općine Drvar vezano za konstataciju o čutanju administracije, kojom su nam se Općinska vijeća i načelnici općina Drvar i Bosansko Grahovo obratili, dostavila Informaciju² o poduzetim aktivnostima, čiji sadržaj dostavljamo u nastavku, a koji daje odgovore na zajednički postavljena konkretna pitanja:

Federalni urbanističko-ekološki inspektor su, postupajući po zahtjevima Federalne ministrike okoliša i turizma, anonimnim prijavama građana, kao i zaključcima Općinskog vijeća općine Drvar, u toku jula 2020.godine izvršili ukupno sedam (7) inspekcijskih nadzora na području više opština u Federaciji BiH kod uvoznika, pet prevoznika i svim poznatim lokacijama na kojima je izvršeno deponovanja uvezene tekstilnog otpada predviđenog za reciklažu.

Inspekcijskim nadzorima je, između ostalog, utvrđeno da uvoznik tekstilnog otpada - privredni subjekt „Krom reciklaža“ d.o.o. Drvar, **posjeduje važeću³ dozvolu za upravljanje otpadom** koja je u postupku inspekcijskog nadzora i nalaganja upravnih mjera za postupajuće federalne inspektore bila validan i mjerodavan dokument.

Također je, prilikom nadzora, uvidom u Rješenje o registraciji, konstatovano da je sjedište firme „Krom reciklaža“ d.o.o. Drvar upravo u zgradbi Općine Drvar, na adresi Titova br.1, zbog čega i ova Uprava pozdravlja inicijativu za pokretanje postupka preispitivanja zakonitosti izdatih akata. Dalje, u inspekcijskom postupku je utvrđeno i da je 20 šlepera **neopasnog** tekstilnog otpada uvezeno iz Republike Italije, i istovareno na teritoriji pet (5) općina iz tri (3) kantona. Konstatovano je također, da otpad **nije uskladišten na okolinski prihvatljiv način** kao i da **operator upravlja otpadom bez nadzora**.

¹ Zaključak općinskog vijeća općine Drvar br. 01-02-2293-1/20 od 06.07.2020.godine

² Informacija -akt. br.10-19-5-03041/2020- 1005- 5- P od 20.7.2020 godine

³ Dozvola za upravljanje otpadom broj: 07-01-19-6-2/20 izdata dana 19.02.2020.godine od strane nadležnog, Kantonalnog ministarstva graditeljstva, obnove, prostornog uređenja i zaštite okoliša Livanjskog kantona. Navedenom dozvolom je utvrđena lokacija za tretman otpada: Pasijak, industrijska zona Drvar, k.č. 111-64 KO Podovi.

Također je utvrđeno da **pogon i lokacija** koji se pominju u dozvoli **ne odgovaraju zatečenom stanju stanju na terenu**, odnosno, da oprema i mašine za reciklažu **ne postoje na konkretnoj lokaciji uskladištenja otpada**.

Iako se, prema uvidu u dokumentaciju koja prati robu (tranzit kroz Italiju, Sloveniju i Hrvatsku), radi o neopasnom otpadu iz proizvodnje tekstila, na licu mesta su uzeti i uzorci tekstilnog otpada iz Drvara i Bosanskog Grahova i isti su dati na analizu. Analizu je izvršila ovlaštena laboratorija, a u zaključku za sve uzorke je konstatovano sljedeće:

“...dostavljeni ispitani uzorci su neopasni otpad tekstila ključnog broja prema katalogu otpada 191208 po Baselskoj konvenciji B3030 (Pravilnik o katalogu otpada izdatog od strane Federalnog ministarstva okoliša i turizma).”

Sve lokacije na kojima je privremeno deponovan neopasni tekstilni otpad su označene trakom. Do sada, deponovani neopasni tekstilni otpad nije izazvao opasnost po život i zdravlje ljudi ni u jednoj od pet općina gdje je deponovan, pa ni po građane Drvara i Livanskog kantona.

Shodno nalazima svih obavljenih inspekcijskih nadzora, postupajući inspektor je rješenjem od 24.7.2020.godine subjektu nadzora „Krom reciklaža“ d.o.o. Drvar naložio da prikupi navedeni otpad i postupi u skladu s izdatom dozvolom za upravljanje otpadom, ili da isti vrati pošiljaocu (izvozniku ili državi izvoznici), odnosno da ga zbrine na način predviđen važećim zakonskim aktima i propisima. Rok za izvršenje rješenja je 30 dana, te će se, po isteku istog, izvršiti kontrolni inspekcijski nadzor. Ukoliko subjekt nadzora ne postupi po rješenju, izrečene upravne mjere će biti izvršene prinudnim putem. Imajući u vidu da je neopasni tekstilni otpad, osim u općini Drvar, deponovan i na područjima u još četiri (4) općine u Federaciji BiH, zbrinjavanje otpada sa svih lokacija će se vršiti koordinirano. Vezano za zahtjev za transportovanje otpada, Federalna uprava a ni Federalno ministarstvo okoliša i turizma, nisu nadležni za organizovanje prijevoza, niti postoji zakonski osnov za nalaganje mjere „odvoza do najbliže termoelektrane.“

Radi adekvatnog razumijevanja situacije i postupanja federalnih inspektora u vršenju inspekcijskog nadzora, u nastavku dajemo i kraću hronologiju slučaja, kako slijedi:

- U periodu od 1.6. do 4.7.2020.godine je trajao uvoz ukupno 20 šlepera, 1015 bala, 414 tona tekstilnog neopasnog otpada (5 prijevoznika). Otpad je istovaren na teritoriji 5 općina (3 kantona). Inspekcijski nadzori izvršeni su kod svih prijevoznika i na svim mjestima odlaganja otpada. Otpad je označen trakom;
- Zbog uznemirenosti građana, a u cilju utvrđivanja štetnosti otpada po zdravlje i okoliš, inspektor je na lokacijama u Drvaru i Bosanskom Grahovu uzeo uzorke tekstilnog otpada (15 uzoraka). Analizu je uradila ovlaštena laboratorija („Bosnainspekt“ d.o.o. Sarajevo), a u zaključku (za sve uzorke) se

kaže: "dostavljeni ispitani uzorci su neopasni otpad tekstila ključnog broja prema katalogu otpada 191208 po Baselskoj konvenciji B3030 (Pravilnik o katalogu otpada izdatog od strane Federalnog ministarstva okoliša i turizma)";

- 4.7.2020.godine – izvršen prvi inspekcijski nadzor u Drvaru;
- 6.7.2020.godine – Federalno ministarstvo okoliša i turizma donosi zaključak broj: 07/1-19-8-6/20-23-3 kojim se:
 1. van snage stavlju akti broj: 07/1-19-8-6/20-17 i broj: 07/1-19-8-6/20-23 (dozvole za uvoz),
 2. naređuje se svim subjektima da osiguraju povrat otpada u R.Italiju,
 3. Zahtijeva se od R.Italije da osigura povrat otpada;
- 20.7.2020. godine – upućen dopis Općini Drvar broj: 10-19-5-03041/2020-1005-5-P o poduzetim i planiranim aktivnostima Federalne uprave za inspekcijske poslove;
- 24.7.2020.godine – postupajući inspektor donosi Rješenje kojim nalaže subjektu „Krom reciklaža" d.o.o. Drvar da prikupi navedeni otpad i isti zbrine u skladu s okolinskom dozvolom, ili da vrati pošiljaocu, odnosno da ga zbrine na način predviđen važećim zakonskim aktima i propisima;
- 27.7.2020. godine – Federalno ministarstvo okoliša i turizma šalje urgenciju R.Italiji.

S obzirom da se, u ovom slučaju provode i odgovarajuće istražne radnje od strane nadležnog tužilaštva, radnje inspekcijskih organa još uvijek nisu okončane, a postupajući inspektori u ovoj fazi još uvijek nisu izrekli prekršajne naloge za utvrđene prekršaje, kako ne bi ugrozili daljnji tok krivičnog postupka.

S poštovanjem,

Dostavljeno:


1 x Sekretar-Izmir Hadžiavdić

1 x izaslanici Doma naroda Parlamenta FBiH:

Dragana Damljanović, Goran Broćeta, Aleksandar Štrbac

1x Sekretarka Vlade FBiH – mr.sci. Edita Kalajdžić

1 x a/a



DIREKTOR
mr. Anis Ajdinović